

四庫全書

史部

欽定四庫全書

尚史卷十四

世家七

鑲白旗漢軍李鐸撰

宋世家

始成王元年終赧王二十九年凡八百三十七年傳三十二世

微子

微仲

宋公稽

丁公

湣公

煬公

厲公

僖公

惠公

哀公

戴公

武公

宣公

微子名啟殷帝乙之首子而紂之庶兄也

前事見殷傳

周公

承成王命誅武庶乃命微子啟代殷後奉其先祀作微

子之命

史記

王若曰猷殷王元子惟稽古崇德象賢統承先王脩其  
禮物作賓于王家與國咸休永世無窮嗚呼乃祖成湯  
克齊聖廣淵皇天眷祐誕受厥命撫民以寬除其邪虐  
功加于時德垂後裔爾惟踐脩厥猷舊有令聞恪慎克  
孝肅恭神人予嘉乃德曰篤不忘上帝時歆下民祗協  
庸建爾于上公尹茲東夏欽哉往敷乃訓慎乃服命率

由典常以蕃王室弘乃烈祖律乃有民永綏厥位毗予  
一人世世享德萬邦作式俾我有周無斃嗚呼徃哉惟

休無替朕命

尚書

國于宋微子故能仁賢乃代武庚故殷之餘民甚戴愛  
之微子薨立其弟衍是為微仲

禮記微子舍其孫腠而立衍是也

微仲薨子宋公稽即位宋公稽薨子丁公申即位丁公

申薨子湣公共即位湣公共薨弟煬公熙即位

史記

潁公大子弗父何庶子鮒祀

鮒一作鮒  
周亦作鮒

祀弒煬公

欲立大子何何讓不受鮒祀自立

左傳

是為厲公厲公薨子僖公舉即位僖公元年周厲王二

十一年也十七年厲王出奔彘二十八年公薨諡曰僖

子惠公睨即位惠公四年宣王立三十年公薨諡曰惠

子哀公即位哀公元年薨子戴公即位戴公八年宣王崩幽王

立二十九年幽王為犬戎所殺平王立三十四年戴公

薨子武公司空即位武公生女為魯惠公夫人生魯桓

公十八年公薨子宣公力即位宣公有大子與夷十九年公病讓其弟和曰父死子繼兄死弟及天下通義也我其立和和亦三讓而受之公薨弟和即位

史記

穆公

七年入春秋

穆公名和宣公弟穆公七年魯隱公元年秋九月及魯

盟于宿九年

隱三年

春三月平王崩桓王立秋八月公疾

召大司馬孔父曰先君舍與夷而立寡人寡人弗敢忘若以大夫之靈得保首領以沒先君若問與夷其將何

辭以對請子奉之以主社稷寡人雖死亦無悔焉對曰  
羣臣願奉馮也公曰不可先君以寡人為賢使主社稷  
若棄德不讓是廢先君之舉也豈曰能賢光昭先君之  
令德可不務乎吾子其無廢先君之功使子馮出居于

鄭秋八月公薨

左傳

諡曰穆在位九年

殤公

殤公名與夷宣公子穆公薨殤公即位元年

隱四年

春公

及魯侯遇於清公之即位也公子馮出居鄭鄭人欲納  
之及衛州吁弑桓公而立使告於我曰君若伐鄭以除  
君害君為主敝邑以賦與陳蔡從則衛國之願也我許  
之故公及陳侯蔡人衛人伐鄭圍其東門五日而還秋  
諸侯復伐鄭公使如魯乞師魯公子翬帥師會之敗鄭  
徒兵而還二年隱五秋九月我取邾田邾人告于鄭曰  
請君釋憾于宋敝邑為道鄭人以王師會之伐我入其  
郛我如魯告命魯侯將救之問使者曰師何及對曰未



及國魯侯怒乃止冬十二月我伐鄭圍長葛三年

隱六年

秋取長葛冬京師饑魯使來請糴四年

隱七年

秋及鄭平

七月盟于宿魯伐邾

為我討也

五年

隱八年

春齊將平宋衛于

鄭有會期公以幣請于衛請先相見衛侯許之故遇于

犬邱齊卒平宋衛于鄭秋七月公及齊侯衛侯盟于瓦

屋以釋東門之役公不王六年

隱九年

鄭伯為王左卿士

以王命討公伐我我以入邾之役怨魯不告命魯怒絕

我使冬魯侯齊侯會于房謀伐我七年

隱十年

夏五月魯

公子翬會齊侯鄭伯伐我六月魯侯復會于老桃敗我

師于菅鄭師入郕取防歸于魯秋七月鄭師猶在郊我

及衛人入鄭蔡人從之伐戴戴音再國名八月鄭伯克戴取

三師宋衛蔡三師九月鄭伯入我八年隱十一年冬十月鄭伯以

虢師伐我大敗我師莊公元年桓二年春正月華父督殺

孔父宋司馬而取其妻公怒督懼遂弑公左傳

諡曰殤在位九年

莊公

莊公名馮穆公子莊公元年

桓二年

春正月華父督弑殤

公名馮于鄭而立之是為莊公十年

桓十一年

春我及齊衛

鄭盟于惡曹

經不書宋闕

雍氏女于鄭莊公曰雍姑生厲公

突雍氏宗有寵于公秋九月執鄭祭仲曰不立突將死

亦執突而求賂焉祭仲與我盟以突歸而立之鄭昭公

出奔衛公會陳侯魯柔蔡叔盟于折公會魯侯于夫鍾

冬十二月復會于闕十一年

桓十二年

魯侯欲平宋鄭秋七

月公及魯侯燕人盟于穀邱八月又會于虛冬十一月

又會於龜公辭平魯及鄭師伐我戰于宋十二年

桓十三年

春二月魯侯會紀侯鄭伯及公齊侯衛侯燕人戰我師

齊師衛師燕師敗績十三年冬我以諸侯

齊蔡衛陳

伐鄭焚

渠門入及大逵伐東郊取牛首以大宮之椽歸為盧門

宋城門

之椽十四年

桓十五年

春三月桓王崩莊王立鄭厲公

出奔蔡昭公復入冬公會諸侯

魯衛陳

于袤伐鄭納厲公

弗克而還十五年

莊十六年

春正月公會諸侯

魯蔡衛

于曹夏

四月公會諸侯

魯衛陳蔡

伐鄭十六年

桓十七年

邾邾宋爭疆故

十九年

莊二年

冬十一月公薨諡曰莊明年夏

葬莊公

左傳

在位十九年

閔公

閔公名捷莊公子莊公薨閔公即位衛二公子逐惠公

惠公奔齊

在桓十年六年

閔公三年

莊五年

冬我會諸侯魯齊陳蔡伐

衛納惠公八年

莊十年

春二月魯侵我三月我遷宿

取其地

夏六月我及齊師次于郎魯敗我師于乘邱齊師還九

年莊十一年夏五月我侵魯魯敗我師于鄆秋大水魯使弔

焉曰天降淫雨害于粢盛若之何不弔對曰狐寶不敬

天降之災又以為君憂拜命之辱魯臧孫達曰宋其興

乎禹湯罪己其興也濇焉桀紂罪人其亡也忽焉且列

國有凶稱狐禮也言懼而名禮其庶乎既而聞之曰公

子御說之辭也達曰是宜為君有恤民之心十年莊十一年

秋南宮萬弒公于蒙澤殺大夫仇牧及大宰督立公子

游

左傳

諡公曰閔在位十年

桓公

桓公名御說亦莊公之子也閔公十年

莊十年

南宮萬弒

閔公立公子游羣公子奔蕭御說奔亳南宮牛

萬之子

猛

獲圍亳冬十月蕭叔大心及戴武宣穆莊之族以曹師

伐之殺南宮牛于師殺子游于宋立御說是為桓公猛

獲奔衛南宮萬奔陳我請于陳衛陳衛歸之皆醢之是

年莊王崩僖王立桓公元年

莊十年

春齊侯會我及諸侯

陳蔡

于北杏以平我亂已而我背北杏之會二年

莊十四年

春齊人陳人曹人伐我齊請師于周夏單伯會之取成

于我而還冬公會單伯諸侯

齊衛鄭

于鄆三年

莊十五年

春公

會諸侯

齊陳衛鄭

于鄆齊桓公始霸秋我及齊邾伐邾

即小邾

鄭侵我四年

莊十六年

夏我及齊衛代鄭冬十二月公會諸

侯

齊魯陳衛鄭許滑滕

同盟于幽

鄭成故

五年

莊十七年

僖王崩惠王立

七年

莊十九年

秋周王子頹作亂衛師燕師伐周立子頹冬

我及齊陳伐魯西鄙

幽之盟魯使微者會故

九年

莊二十年

春鄭公



號公納王殺子頹十四年

莊二十六年

秋我及魯齊伐徐十

五年

莊二十七年

夏六月公會諸侯

齊魯陳鄭

同盟于幽

陳鄭服故

十

六年

莊二十八年

秋荆伐鄭我會齊魯救鄭二十年

莊三十年

十

齊以荆伐鄭故請會諸侯公請先見于齊侯夏遇于梁

邱二十二年

閏二年

狄入衛衛人出走公逆諸河宵濟衛

之遺民男女七百有三十人益之以共滕之民為五千

人立戴公以廬于曹狄伐邢二十三年

僖元年

春正月我

及齊曹次于聶北救邢夏邢遷于夷儀我及齊曹城邢

二十四年

僖二年

秋九月公及齊侯江人黃人盟于貫

黃江

服

故二十五年

僖三年

秋公及齊侯江人黃人會于陽穀

伐謀

楚

二十六年

僖四年

春正月公會諸侯

齊魯陳衛鄭許曹

侵蔡蔡

潰遂伐楚次于陘夏楚屈完來盟于師盟于召陵冬我

會諸侯

齊魯陳衛鄭許曹

之師侵陳陳成二十七年

僖五年

夏公及

諸侯

齊魯陳衛鄭許曹

會王世子于首止

王以惠后故將廢大子故齊桓會之以定

其位秋八月諸侯盟于首止王使召鄭伯鄭伯逃歸不盟

二十八年

僖六年

夏公會諸侯

齊魯陳衛曹

伐鄭

逃首止

圍新

城秋楚圍許以救鄭諸侯救許乃還二十九年僖七年秋

公會諸侯

齊魯陳鄭

盟于甯母閏月惠王崩襄王惡大叔帶

之難懼不發喪三十年

僖八年

春正月公會王人諸侯

齊魯

衛許曹陳

盟于洮謀王室也鄭伯乞盟請服也襄王定位而

後發喪三十一年

僖九年

春公薨

左傳

諡曰桓在位三十一年

襄公

襄公名茲父桓公太子桓公三十年

僖八年

冬公疾太子

請立庶兄目夷目夷不可三十一年

僖九年

春桓公薨大

子即位是為襄公夏公會宰周公諸侯

齊魯衛鄭許曹

于葵邱

秋諸侯盟于葵邱公以目夷為仁使為左師以聽政于

是宋治襄公二年

僖十一年

夏揚拒泉臯伊維之戎代京師

入王城王子帶召之也三年

僖十二年

秋王討王子帶子帶

奔齊四年

僖十三年

夏公會諸侯

齊魯陳衛鄭許曹

于鹹淮夷病杞

且謀王室也秋諸侯戍周六年

僖十五年

秦楚伐徐三月公

會諸侯

前諸侯

盟于牡邱遂次于匡諸侯之大夫救徐冬

我伐曹

莊十四年曹與諸侯伐我故

七年

僖十年六年

春隕石于宋五六鷓

退飛過宋都周内史叔興來聘公問焉曰是何祥也吉

凶焉在對曰今茲魯多大喪明年齊有亂君將得諸侯而不終退而告人曰是陰陽之事非吉凶所生也冬十

二月公會諸侯

前諸侯

于淮夷病節且東畧也八年

僖十年七年

冬十月齊桓公卒孝公昭來奔九年僖十年八年春正月公會

曹伯衛人邾人伐齊齊殺無虧將立孝公不勝四公子

之徒遂與我戰夏五月我敗齊師于甌立孝公而還十

年僖十年春執滕子嬰齊夏六月公及曹人邾人盟于曹

南鄙子會盟于邾公使邾子用鄙子于次睢之社欲以

屬東夷睢水次有妖神東夷皆社祠之宋使邾殺鄙子為犧牲以祭之欲徼福于神以屬東夷秋

我圍曹曹南之盟不修地主禮故十二年僖二十一年春我及齊人楚人

盟于鹿上宋為鹿上之盟求諸侯于楚楚人許之秋公及諸侯楚陳蔡鄭許曹會

于孟楚執公以伐我冬十二月魯侯會諸侯前諸侯盟于

薄釋公十三年僖二十二年夏公及諸侯衛許滕伐鄭楚伐我

以救鄭公將戰大司馬固莊公諫弗聽冬十一月公及

楚人戰于泓我師敗績公傷股十四年

僖二十三年

春齊伐

我圍緡

十九年盟于齊宋不與會故

夏五月公薨

左傳

諡曰襄在位十四年

### 成公

成公名王臣襄公子襄公薨成公即位元年

僖二十四年

秋

大叔帶以狄師攻王王適鄭處於汜八月我及楚平公

如楚還入于鄭鄭伯享之有加禮二年

僖二十五年

夏晉納

王殺大叔帶

經于此年書宋殺其大夫傳不載大夫為誰不可知

晉侯之亡也過

我襄公贈之以馬二十乘及晉侯立我叛楚即晉三年

僖二十六年

冬楚伐我圍緣

四年僖二十七年

冬楚及諸侯

陳許

圍我我使公孫固如晉告急五年

僖二十八年

春晉侵曹衛

以救我三月我又使門尹般

大夫

如晉告急晉執曹伯分

曹衛之田以畀我楚怒夏四月公會晉侯齊師秦師及

楚戰于城濮楚師敗績五月公會諸侯

晉魯齊秦鄭衛

盟于

踐土冬公會諸侯

晉魯齊秦鄭陳許

于温天王狩于河陽諸

侯圍許六年

僖二十九年

夏六月公孫固會王子虎魯侯及



諸侯之大夫

晉齊陳秦蔡

于翟泉

且尋踐土之盟謀伐鄭

十二年

文二年

夏六月公會陳侯鄭伯晉士穀魯公孫敖盟于垂隴

衛討

故冬公子成及諸侯之大夫

晉陳鄭

伐秦十三年

文三年

春

正月我會諸侯之大夫

晉魯陳衛鄭

伐沈沈潰十七年

文七年

夏四月公薨昭公即位而葬成公

左傳

諡曰成在位十七年

昭公

昭公名杵臼成公子成公十七年

文七年

薨昭公即位昭

公將去羣公子司馬樂豫

戴公元孫

曰不可親之以德皆股

肱也誰敢攜貳若之何去之不聽穆襄之族率國人以

攻公殺公孫固公孫鄭于公宮六卿和公室

六卿公子成公孫友

樂豫鱗睢公

子蕩華御

秋八月公會諸侯

魯齊衛陳鄭許曹

晉大夫趙盟

于扈

晉靈公故立

昭公元年

文八年

秋八月襄王崩頃王立襄夫人襄

王之姊也公不禮焉夫人因戴氏之族

華樂皇皆戴族

殺襄公

之孫孔叔公孫鍾離大司馬公子卬

皆昭公黨

司城蕩意諸

奔魯二年

文九年

春三月楚伐鄭華耦

大夫

會諸侯之大夫

晉魯衛許救鄭不及楚師三年文十冬狄侵我陳侯鄭伯會

楚子于息遂及蔡侯次于厥貉將以伐我我逆楚子勞

且聽命遂道以田孟諸公為右孟鄭伯為左孟孟田獵陳名

期思公復遂為右司馬子朱及文之無畏為左司馬命

夙駕載燧公違命無畏扶其僕以徇四年文十一年秋魯公

子遂來聘言蕩意諸而復之七年文十四年春頃王崩匡王

立夏六月公會諸侯魯陳衛鄭許曹晉趙盾同盟于新城陳鄭宋服

且謀納邾捷菑秋七月諸侯之師納捷菑于邾弗克納九月高

哀奔魯

宋卿不義昭公而出

八年

文十年

春三月司馬華耦

華督孫

如

魯盟冬十一月公會諸侯

晉衛蔡陳鄭許曹

盟于扈

謀伐齊

九年

文十年公無道襄夫人將使公田孟諸而殺之公知之盡

以實行蕩意諸曰盍適諸侯公曰不能其大夫至于君

祖母以及國人諸侯誰納我且既為人君而又為人臣

不如死盡以其寶賜左右冬十一月公田孟諸未至夫

人使帥甸攻而殺之蕩意諸死之

左傳

謚曰昭在位九年

文公

文公名鮑昭公庶弟鮑禮于國人宋饑竭其粟而貸之  
年自七十以上無不饋詒也時加羞珍異無日不數于  
六卿之門國之材人無不事也親自桓以下無不恤也  
鮑美而艷襄夫人欲通之不可乃助之施昭公無道國  
人奉鮑以因夫人昭公弒鮑即位是為文公使母弟湏  
為司城蕩虺為司馬文公元年文十七年春晉衛陳鄭伐我  
曰何故弒君我及晉平夏六月晉侯合諸侯于扈平我故

二年

文十八年

武氏之族道昭公子將奉司城湏以作亂冬

十二月殺湏及昭公子攻武氏遂出武穆之族使公孫

師

莊公孫

為司城樂呂

戴公曾孫

為司寇以靖國人三年

宣元年

鄭受盟于楚秋楚侵陳遂侵我晉趙盾救之公及諸侯

陳衛曹

會晉師于棐林伐鄭楚救鄭乃還冬我及晉人伐

鄭四年

宣二年

春二月華元及鄭戰于大棘我師敗績鄭

獲華元元逃歸夏我及諸侯

晉衛陳

之師侵鄭冬十月匡

王崩定王立五年

宣三年

武穆之族以曹師代我秋我師

圍曹九年

宣七年

冬公會周王叔桓公及諸侯

晉衛鄭曹

盟于

黑壤

鄭及晉平故

十一年

宣九年

秋九月公會諸侯

前諸侯

于扈

陳不會晉以諸侯之師伐陳冬我圍滕十二年

宣十年

夏

六月我師伐滕

滕不事我故

鄭及楚平我及諸侯之師

晉衛曹

伐鄭取成而還十四年

宣十二年

冬楚伐蕭華椒

大夫以蔡人

救蕭十二月華椒及諸侯之大夫

晉衛曹

同盟于清邱我

為盟故伐陳衛人救陳十五年

宣十三年

夏楚伐我十六年

宣十四年楚使無畏聘于齊我殺之秋九月楚圍我十七年

宣十五年夏五月我及楚平二十二年成二年秋八月公薨明

年春二月葬文公始厚葬用蜃炭益車馬始用殉重器

備椁有四阿棺有翰檜四阿四注棺翰王禮左傳

諡曰文在位二十二年

### 共公

共公名固文公子文公二十二年成二年薨共公即位是

年冬十一月華元及諸侯魯蔡許諸侯之大夫楚秦陳衛鄭齊曹邾

薛盟于蜀共公元年成三年春正月公會諸侯晉魯衛曹伐鄭



二年

成四年

春華元如魯聘三年

成五年

春正月魯仲孫蔑

來聘秋殺公子圍龜

文公子

冬十一月定王崩簡王立十

二月公會諸侯

晉齊衛鄭曹邾杞

同盟于蟲牢諸侯謀復會公

辭以圍龜之難四年

成六年

春三月諸侯之師

晉衛鄭

及伊

維之戎侵我以我辭會也秋魯師侵我五年

成七年

秋楚

伐鄭公會諸侯

晉魯齊衛曹邾杞

救鄭八月同盟于馬陵

魯鄭

且莒六年

成八年

春華元如魯聘伯姬

穆姜女成公姊妹

夏使公

孫壽如魯納幣七年

成九年

春正月公會諸侯

晉齊衛鄭曹邾杞

同盟于蒲二月魯伯姬歸于我夏魯季孫行父來致女

晉執鄭伯鄭貳于楚故鄭立公子髡頑八年成十年夏五月公

會諸侯晉魯齊衛曹伐鄭歸鄭伯九年成十年華元善楚又善

晉冬華元如楚遂如晉合晉楚之成十年成十年夏五月

晉楚盟于我西門之外十一年成十年夏五月公會周劉

康公成肅公及諸侯晉魯齊衛鄭曹邾滕伐秦戰于麻隧秦師敗

績十三年成十年春三月世子成會諸侯晉魯衛鄭曹齊邾同盟

于戚討曹伯殺大子而自立夏六月公薨秋八月葬共公左傳

諡曰共在位十三年

平公

平公名成共公子共公十三年

成十五年

薨平公即位是年

秋八月司馬蕩澤弱公室殺公子肥

文公子

華元殺蕩澤

魚石向為人鱗朱向箒魚府

五大夫並蕩氏族

出奔楚冬十一

月華元會諸侯之大夫

晉魯齊衛鄭邾

會吳于鍾離元年

成十六年

夏四月鄭侵我我敗諸洧敗鄭人覆之敗我師洧陵獲

將鉏

樂氏族

樂懼

戴公六世孫

秋華元會諸侯

晉魯齊衛邾

于沙隨

鄭謀伐

七月我會周尹子及諸侯伐鄭鄭子罕宵軍之宋

齊衛皆失軍二年

成十七年

夏五月公會周尹子單子及諸

侯

晉魯衛曹齊邾

伐鄭自戲童至于曲洧六月同盟于柯陵冬

復會周單子及諸侯

前諸侯

伐鄭十月圍鄭楚救之諸侯

還三年

成十八年

夏六月鄭侵我及曹門外遂會楚伐我納

魚石等彭城以三百乘戍之而還秋七月老佐

戴公五世孫

華喜

華督玄孫

圍彭城冬十一月楚救彭城伐我華元如晉

告急晉侯救我楚師還十二月公會諸侯

晉魯衛邾齊

同盟

于虛打謀救我我辭諸侯而請師以圍彭城四年襄元年

春正月華元會諸侯之師晉魯衛曹莒邾滕薛圍我彭城彭城降

晉晉以五大夫歸寘諸鬻邱秋楚侵我呂留二縣名鄭侵

我取大邱九月簡王崩靈王立五年襄二年春鄭侵我夏

六月我師晉師衛師侵鄭秋七月華元會諸侯之大夫

晉魯衛曹邾于戚謀討鄭魯叔孫豹來聘冬華元復會諸侯

之大夫晉魯齊衛曹邾滕薛小邾于戚城虎牢以偪鄭鄭人乃成六

年襄三年夏六月公會周單子及諸侯晉魯衛鄭莒邾齊同盟于

鷄澤晉逆吳子吳子不至八年襄五年秋公會諸侯晉魯陳衛

鄭曹莒邾滕薛齊吳鄭于戚會吳且命戊陳冬伐陳楚伐陳公會諸侯晉魯

衛鄭曹齊于城棗以救之九年襄六年春樂轡大夫以弓楛華弱

孫華椒于朝公見之逐華弱弱奔魯亦逐樂轡十年襄七年

楚圍陳冬十二月公會諸侯晉魯陳衛曹莒邾于鄆以救之十

一年襄八年春向戌會晉侯鄭伯及諸侯之大夫齊魯衛邾于

邢邱以命朝聘之數十二年襄九年春災鄭及楚平冬十

月公會諸侯晉魯衛曹莒邾滕薛杞小邾齊伐鄭鄭成十一月同盟于

戲

經書十二月己亥  
長歷推之經誤

晉以諸侯復伐鄭次于陰口而還

十三年

襄十年

春公會諸侯

前諸侯

會吳于柤夏六月楚鄭

圍我門于桐門衛救我秋七月楚鄭侵魯還圍蕭

宋邑克

之九月侵我北鄙公會諸侯

前諸侯

伐鄭城虎牢而戍之

鄭及晉平楚救鄭鄭與楚盟十一月諸侯之師還侵鄭

北鄙而歸十四年

襄十一年

向戌侵鄭大獲夏四月鄭侵我

公會諸侯

前諸侯

伐鄭鄭成秋七月同盟于亳城北楚及

秦師將伐鄭鄭伯逆之伐我九月諸侯

前諸侯

悉師以復

伐鄭鄭使行成十二月會於蕭魚十五年襄十冬楚及

秦師伐我十七年襄十春正月我會諸侯之大夫晉魯

鄭曹莒邾滕會吳于向楚敗吳為夏四月我會諸侯之

大夫前諸伐秦衛孫林父逐其君獻公立公孫剽冬華

閱會諸侯之大夫晉魯衛于戚謀定衛十八年襄十春

向戌如魯聘十九年襄十春三月公會諸侯晉魯衛鄭

杞小于溴梁戊寅向戌及諸大夫盟夏五月我會鄭伯

及晉魯衛伐許二十年襄十春莊朝伐陳獲司徒印冬



華閱卒華臣弟閱之殺其宰華吳十一月臣出奔陳二十

一年襄八年冬十月公會諸侯晉魯衛鄭曹莒邾滕薛杞小邾于魯濟同

圍齊二十二年襄九年春正月諸侯前諸侯盟于祝柯二十

三年襄十年夏六月公會諸侯晉魯齊衛鄭曹莒邾滕薛杞小邾盟于澶

淵齊及晉平故冬魯季孫宿來聘二十四年襄十一年晉欒盈

叛冬公會諸侯晉魯齊衛鄭曹莒邾于商任錮欒氏也二十五年

襄二十二年冬公會諸侯晉魯齊衛鄭曹莒邾薛杞小邾于沙隨復錮欒氏

也齊伐晉二十七年襄二十四年秋八月公會諸侯晉魯齊衛鄭曹莒

邾滕薛  
杞小邾

于夷儀將伐齊水不克冬楚伐鄭以救齊諸侯

還救鄭二十八年

襄二十五年

夏五月公會諸侯

前諸侯

于夷

儀伐齊齊成秋七月諸侯同盟于重邱二十九年

襄二十六年

年夏六月向戌會魯侯及諸侯之大夫

晉魯鄭  
宋曹

于澶淵

衛弒君  
劉討衛

故三十年

襄二十七年

向戌善晉趙武又善楚屈建欲弭諸

侯之兵以為名如晉告趙武晉許之如楚楚亦許之如

齊秦齊秦亦許之皆告于小國為會于宋夏諸侯之大

夫

晉楚齊秦魯鄭陳  
衛邾滕蔡許曹

會于宋秋七月公及諸侯之大夫

盟于蒙門之外三十一年襄二十八年為宋之盟故冬十一

月公及諸侯

魯陳鄭許

如楚及漢楚康王卒公反靈王崩

經從

告書十二月

景王立三十二年

襄二十九年

宋饑司城樂喜

即子罕

請于公出公粟以貸使大夫皆貸夏六月華定會諸侯

之大夫

晉魯齊衛鄭曹莒滕薛小邾

城杞三十三年

襄三十年

夏五月宋

大災伯姬卒秋七月魯叔弓來葬伯姬冬十月向戌及

諸侯之大夫

晉魯齊衛鄭曹莒邾滕薛杞小邾

會于澶淵我災故謀歸

我財既而無歸三十五年

昭元年

春正月向戌會諸侯之

大夫

晉楚齊魯衛  
陳蔡鄭許曹

于號三十八年

昭四年

夏世子佐及諸

侯

楚蔡陳鄭許徐滕  
頓胡沈小邾淮夷

會于申世子佐先歸秋七月華費

遂從諸侯伐吳四十年

昭六年

夏右師華合比出奔衛四

十二年

昭八年

秋九月戴惡

大夫

會楚伐陳滅之四十三年

昭九年

春華亥及諸侯之大夫

魯鄭衛

會楚子于陳四十四

年

昭十年

晉平公卒秋九月華定如晉葬平公冬十二月

公薨明年春二月葬平公

左傳

諡曰平在位四十四年

元公

元公名佐平公子元公元年

昭十年

春二月魯叔弓來會

葬楚圍蔡秋華亥會諸侯之大夫

晉魯齊衛鄭曹杞

于厥愁謀

救蔡二年

昭十年

夏華定

華椒孫

如魯聘三年

昭十年

秋公會

周劉子及諸侯

晉魯齊衛鄭曹莒邾滕薛杞小邾

于平邱八月同盟于

平邱

齊服故

八年

昭十年

夏五月宋災邾襲郟九年

昭十年

春

二月我伐邾取蟲夏五月邾人郟人徐人會公同盟于

蟲公無信多私而惡華向

二氏並宋公族

十年

昭十年

夏六月華定

華亥與向寧殺羣公子公如華氏請遂劫公取大子樂  
母弟辰公子地以為質公亦取華向之子與華氏盟以

為質冬十月公殺華向之質而攻之華亥向寧華定出

奔陳華登華費遂之子奔吳華多僚與華貙相惡多僚貙並華費遂子

乃譖諸公曰貙將納亡人公與華費遂謀逐貙十一年

昭二十一年夏五月任鄭翩貙家臣殺多僚劫華費遂以叛而

召亡人華亥向寧華定自陳入南里以叛六月我城雋  
郟及桑林之門而守之冬十月華登以吳師救華氏齊

烏枝鳴適戍我我師及齊師敗吳師于鴻口華登帥其  
餘以敗我師公欲出厨人濮徇曰楊徽者公徒也衆從  
之遂敗華氏于新里十一月晉師齊師衛師救我與華  
氏戰于赭邱大敗華氏圍諸南里華登如楚乞師十二  
年昭二十二年春楚蘧越使來請華氏諸侯之戍謀曰若華  
氏知困而致死楚耻無功而疾戰非吾利也不如出之

以為楚功固請出之華亥向寧華定華貙華登出奔楚

公使公孫忌為大司馬邊卬

平公曾孫為大司徒樂祁犂

樂喜

孫孫仲江為司城仲幾孫仲江為左師樂大心為右師樂輓樂喜孫

為大司寇以靖國人夏四月景王崩悼王立六月王子

朝作亂王居于皇冬十一月悼王崩經書十月誤敬王立十

三年昭二十三年秋王居于狄泉尹氏立王子朝十五年昭二

年十五年春魯叔孫婁來聘夏樂大心會諸侯之大夫晉魯衛鄭

曹邾滕薛小邾于黃父晉趙鞅令輸王粟具戍人曰明年將納

王魯季孫意如逐其君昭公冬十一月公將為魯故如

晉薨于曲棘明年春正月癸亥左傳



諡曰元在位十五年

景公

景公名欒

史記名頭曼

元公子元公將亡夢大子欒即位于

廟及薨欒即位是為景公景公元年

昭二十六年

冬十月晉

師納敬王王入于成周王子朝奔楚二年

昭二十七年

秋樂

祁犁及諸侯之大夫

晉衛曹邾滕

會于扈成周且謀納魯昭

公七年

昭三十二年

冬仲幾會諸侯之大夫

晉魯齊衛鄭曹莒薛杞小邾

于狄泉謀城成周八年

定元年

春正月晉合諸侯之大夫

城成周執仲幾歸諸京師十一年

定四年

春三月公會周

劉子及諸侯

晉魯蔡衛陳鄭許曹皆  
邾頓胡滕薛杞小邾齊

于召陵侵楚十三

年

定六年

秋八月樂祁犁如晉未致使而與趙鞅私飲酒

晉執樂祁犁周僭翩作亂冬十月王處於姑猶十四年

定七年

冬十一月王入于王城十五年

定八年

春樂祁犁歸

卒于大行十六年

定九年

春向巢如晉盟且逆樂祁犁之

尸公初使樂大心如晉大心辭以疾十七年

定十年

秋逐

大心大心出奔曹公嬖向魑

司馬桓魑

取公子地

景公

馬與

黜地怒扶黜而奪之地出奔陳冬母弟辰暨仲佗仲幾子

石彊褚師出奔陳十八年定十年春弟辰及仲佗石彊公

子地自陳入于蕭以叛秋樂大心自曹入于蕭晉荀寅

士吉射叛二十一年定十年秋公及齊侯會于泚謀救范

氏也公子地自蕭奔鄭二十二年定十年夏鄭伐我敗我

師于老邱為地城出戈錫三邑鄭宋間隙地齊侯衛侯

次于渠蔭謀救我二十五年哀三年夏樂髡伐曹二十六

年哀四年春我執小邾子小邾子無道故二十七年哀五年夏齊伐

我二十八年

哀六年

冬向巢伐曹二十九年

哀七年

春皇瑗

侵鄭

鄭叛  
晉故

秋我圍曹築五邑于其郊曰黍邱揖邱大城

鍾邠冬鄭救曹侵我三十年

哀八年

春正月公滅曹執曹

伯陽及司城公孫疆以歸殺之三十二年

哀九年

春鄭圍

我雍邱皇瑗圍鄭師二月取鄭師于雍邱夏公伐鄭三

十二年

哀十年

夏伐鄭三十四年

哀十一年

秋皇瑗及魯侯衛

侯盟于鄆九月向巢伐鄭取錫殺公子地遂圍啜冬十

二月鄭救啜圍我師三十五年

哀十三年

春向魍救我師逃

歸鄭取我師于岳獲成謹郟延皆宋大夫三十六年哀十四年向

黜害于公公與左師向巢攻之黜入于曹以叛夏六月

使巢伐之不能亦入于曹黜奔衛巢奔魯三十七年哀十

年五夏鄭伐我三十八年哀十六年夏四月孔子卒三十九年

七年哀十七年子儀克向黜臣讒皇瑗之子麋曰麋將納桓氏即向黜

等巢公執之皇瑗奔晉召之歸四十年哀十八年春殺皇瑗既

而聞其情使皇緩為右師是年敬王崩元王立四十七

年哀二十年衛褚師比等逐衛侯輒輒來奔四十八年哀二十

十六年元王崩定王立夏五月樂茂會越臯如后庸並越大夫

魯叔孫舒納衛侯不克入冬十月公薨左傳

諡曰景在位四十八年史記六十四年景公卒誤

昭公 悼公 休公 辟公 剔公 君偃

昭公名得

史記作昭公特然前有昭公杵臼不應上同祖諡且左氏亦無昭公之文緣得諡不可知姑從史

公孫周之子元公庶曾孫也景公無子取得與啟啟弟

畜諸公而未有立景公四十八年

哀二十六年

冬十月游于

空澤

名邑

辛巳薨于連中

名館

大尹者為近官而有寵大尹

興空澤之士千甲奉公自空桐入如沃宮使召六卿

右師

皇緩

大司馬皇非我司徒皇懷左師

六卿至以甲劫之

立啟得夢啟北首而寢于廬門之外已為烏而集于其

上味加于南門尾加于桐門曰余夢美必立既而六卿

使國人施於大尹

施罪于大尹

大尹奉啟以奔楚乃立得是

為昭公

左傳

史記世家昭公者元公之曾庶孫也昭公父公孫糾  
糾父公子禚秦禚秦即元公少子也景公殺昭公父  
糾故昭公怨殺大子而自立

昭公十二年定王崩考王立二十八年考王崩威烈王  
立昭公四十七年薨

年表作四十九年

子悼公購由即位悼公四年威烈王崩安王立悼公八  
年薨



紀年作十八年

子休公田即位休公二十三年薨子辟公辟兵即位

紀年作桓侯璧兵一作辟公兵

辟公三年薨子剔成即位

史記

紀年剔成肝廢其君璧而自立

梁惠王伐邯鄲徵師于宋宋君使使請于趙曰梁兵勁而權重今徵師于敝邑敝邑不從則恐危社稷若扶梁伐趙以害趙國則寡人不忍願王之有以命敝邑也趙

王曰然宋不敵梁寡人知之弱趙以強梁宋必不利也  
則吾何以告子而可使者曰臣請受邊城徐其攻而留  
其日以待下吏之有城而已趙王曰善宋因舉兵入趙  
圍一城梁王說曰宋人助我矣趙王亦說曰宋人止于  
此矣

國策

剔成四十一年剔成弟偃攻襲剔成剔成敗奔齊偃自  
立為宋君君偃十一年自立為王

國策呂氏春秋並以偃諡康王

東敗齊取五城南敗楚取地三百里西敗魏軍乃與齊  
魏為敵國盛血以韋囊縣而射之命曰射天淫於酒婦  
人羣臣諫者輒射之

呂氏春秋宋王謂相唐鞅曰寡人所殺者衆矣而羣  
臣愈不畏何也鞅曰王之所罪盡不善者也罪不善  
善者故不畏不若無辨其善不善而時罪之則羣臣  
畏矣無何宋君殺鞅

于是諸侯皆曰桀宋宋其復為紂所為不可不誅告齊

伐宋王偃立四十七年

年表四十三年

齊湣王與魏楚伐宋殺王偃遂滅宋而三分其地

史記

國策宋康王之時有雀生鱗于城之陬使史占之曰  
小而生巨必霸天下王大喜于是滅滕伐薛取淮北  
之地乃愈自信欲霸之速成故射天笞地斬社稷而  
焚滅之曰威服天下鬼神罵國老諫臣為無顏之冠  
以示勇割偃之背鋏朝涉之脛而國人大駭齊聞而

伐之民散城不守王乃逃俛侯之館遂得而死呂氏  
春秋齊攻宋王使人候齊寇之所至使者還曰齊寇  
近矣國人恐矣左右曰此所謂肉自至蟲者也以宋  
之強齊之弱惡能至此王怒而殺之又使人往視報  
如前又殺之如此者三又使人往視使者遇其兄曰  
鄉之視齊寇者以寇之近也報而死亡也報其情死  
不報其情又恐死將若何其兄曰如報其情有且先  
夫死者死先夫亡者亡于是報于王曰殊不知齊寇

之所在國人甚安王大喜左右皆曰鄉之死者宜矣  
王多賜之金冠至王自投車上馳而走此人得以富  
于他國

贊曰宣穆慕義勉行所難而釀亂五世君子或譏之是  
已然非德不當雖若殤閔者御說之先驅爾于宣胡治  
乎文公伺釁盜國殷道親親時其替哉

尚史卷十四

欽定四庫全書

尚史卷十五

世家八

鑲白旗漢軍李鐸撰

鄭世家

始宣王二十二年終安王二十五年凡三百二十年傳二十一世

桓公

桓公名友周厲王少子宣王庶弟也

年表作母弟

宣王二十

二年桓公初封于鄭

史記

索隱鄭縣名屬京兆紀年宣王二十二年王錫王子

欽定四庫全書

尚史  
卷十五



多父命居洛晉文侯二年同王子多父伐鄭克之乃居鄭父之邱名之曰鄭是曰桓公八年王錫司徒鄭伯多父命系本桓公居棫林徙拾宋忠云棫林拾皆舊地名封桓公乃名為鄭

封三十三年桓公為司徒甚得周衆與東土之人問于史伯曰王室多故余懼及焉其何所可以逃死史伯對曰其濟洛河潁之間乎是其子男之國號鄩為大號叔恃勢鄩仲恃險是皆有驕侈怠惰之心而加以貪冒

君若以周難之故寄孥與賄焉不敢不許周亂而弊是  
驕而貪必將背君君若以成周之衆奉辭伐罪無不克  
矣若克二邑鄔蔽補丹依緊歷莘君之土也若前莘後  
河右洛左濟主芣騶山名而食漆洧脩典刑以守之唯是  
可以少固公說乃東寄孥與賄號鄔受之十邑皆有寄

地

國語

韓非子鄭襲鄔取之紀年晉文侯十四年鄭人滅號  
十六年鄭遷于漆洧

三十六年犬戎殺幽王酈山下并殺桓公

史記

在位三十六年謚曰桓

武公 莊公

二十二年  
入春秋

武公名突滑

燕周古  
史考

史記作掘突索隱非也昭公名忽厲公名突豈有子

孫同名乎蓋舊史雜記昭厲之名誤以為武公字

桓公之子也犬戎殺幽王桓公死之鄭人共立突滑是

為武公

韓非子武公欲伐胡先以其女妻胡君以娛其意因問羣臣曰吾欲用兵誰可伐者大夫闞其思對曰胡可伐武公怒而戮之曰胡兄弟之國也子言伐之何也胡君聞之以為親已遂不備鄭鄭襲胡取之

武公十年娶申侯女為夫人曰武姜生太子寤生後生少子段二十七年公疾夫人請立段公弗聽公薨在位二十七年謚曰武寤生立是為莊公莊公元年封弟段

于京號大叔

史記

欽定四庫全書

二十二年隱元年大叔將襲鄭夫人將啟之公命公子呂

帥車二百乘以伐京京叛大叔段入于鄆公伐諸鄆

大叔出奔共段子公孫滑出奔衛衛人為之伐我取廩

延我以王師號師伐衛南鄙請師于邾及邾人魯公子

豫盟于翼二十三年隱二年伐衛討公孫滑之亂也初武

公及公並為平王卿士王貳于號公怨王王曰無之故

周鄭交質王子狐為質于鄭鄭公子忽為質于周二十

四年隱三年平王崩桓王立周人將舛號公政公使祭仲

帥師取溫之麥秋又取成周之禾周鄭交惡冬公及齊  
侯盟于石門宋殤公之即位也公子馮來奔我欲納之  
及衛州吁立將脩先君之怨于我使告于宋曰伐鄭以  
除君害君為主敵邑以賦與陳蔡從二十五年隱四年宋

陳蔡衛伐我圍我東門五日而還秋諸侯復伐我敗我  
徒兵取其禾而還二十六年隱五年侵衛收收衛衛以燕

師伐我公子曼伯子元以制人敗燕師于北制邾人來  
告曰請君釋憾于宋敵邑為道秋我以王師會之伐宋

入其郛冬宋伐我圍長葛二十七年隱六我如魯渝平

和而不盟曰平始與魯和也夏五月公侵陳大獲秋宋人取長葛冬

公如周始朝桓王王不禮焉二十八年隱七及宋平盟

于宿冬及陳平陳五父來及公盟良佐大如陳及陳侯

盟陳請妻公子忽公許之二十九年隱八公請釋泰山

之祀而祀周公以泰山之祊易魯許田三月使宛大如

魯歸祊不祀泰山也按成王賜周公許田以為魯朝宿之邑後世因立周公別廟鄭桓公有

助祭泰山湯沐之邑在祊鄭以天子不能復巡狩故欲以祊易許田各從本國所近之宜恐魯以周公別廟為

疑故云以廢泰山  
之祀而祀周公

秋公以齊人朝王三十年

隱九年

宋不

王公為王左卿士以王命討之伐宋秋以王命如魯告

伐宋冬北戎侵我公禦之大敗戎師三十一年

隱十年公

會魯侯齊侯于中邱盟于鄧為師期夏會伐宋六月公

會魯侯齊侯于老桃我師入郟入防歸于魯秋我師入

郊猶在郊宋衛入我蔡從之伐戴八月公圍戴克之取

三師九月公入宋冬及齊人入郟三十二年

隱十一年

公會

魯侯于時來秋會齊魯伐許入之齊以許讓魯魯弗受



乃與我公使許大夫百里奉許叔以居許東偏曰天禍  
許國鬼神實不逞于許君而假手于我寡人寡人唯是  
一二父兄不能共億其敢以許自為功乎寡人有弟不  
能和協而使餽其口于四方其況能久有許乎吾子其  
奉許叔以撫柔此民也吾將使獲也佐吾子若寡人得  
没于地天其以禮悔禍于許魚寧茲許公復奉其社稷  
唯我鄭國之有請謁焉如舊昏媾其能降以相從也魚  
滋他族實偏處此以與我鄭國爭此土也吾子孫其覆

亡之不暇而况能禋祀許乎寡人之使吾子處此不唯  
許國之為亦聊以固吾圉也乃使公孫獲處許西偏曰  
凡而器用財賄無寘于許我死乃亟去之吾先君新邑  
于此王室而既卑矣周之子孫日失其序夫許大岳之  
膚也天而既厭周德矣吾其能與許爭乎王取鄆劉為  
邠鄭四邑于我而與我蘇忿生之田温原絺樊隰郟攢茅  
向盟州陘潰懷十二邑皆蘇忿生之田周于是始失鄭鄭息有違  
言息侯伐我公與戰于竟息師大敗而還冬公以虢師

伐宋大敗宋師三十三年桓元公會魯侯于垂以璧假

許田辛易 妨田也夏四月及魯侯盟于越結 妨成也盟曰渝盟無

享國傳此下有鄭伯拜盟事杜注鄭伯自來則經不書若遣使則當言鄭人不得稱鄭伯疑誤今闕之

三十四年桓二宋華督弑殤公三月公會諸侯齊魯陳于

稷以成宋亂秋公會蔡侯于鄧始懼楚三十七年桓五

公及齊侯朝于紀欲以襲之桓王奪公政公不朝秋王

以諸侯伐我公禦之戰于緡葛王卒大敗祝聃射王中

肩祝聃請從之公曰君子不欲多上人况敢陵天子乎

苟自救也社稷無隕多矣夜使祭仲勞王且問左右三

十八年

桓六年

北戎伐齊我救齊大敗戎師三十九年

桓七年

年

盟向

二邑見隱十一年

求成于我既而背之秋我及齊衛伐

盟向王遷盟向之民于郊四十二年

桓十年

冬公及齊衛

與魯戰于郎四十三年

桓十一年

我及齊衛盟于惡曹夏五

月公薨

左傳

在位四十三年謚曰莊

昭公 厲公

子嬰附

昭公名忽厲公名突忽莊公之世子突其庶子也初祭

仲有寵于莊公為公娶鄆曼生忽宋雍氏女于莊公曰

雍姑生突莊公四十三年桓十一年公薨祭仲立忽雍氏宗

有寵于宋故誘祭仲而執之曰不立突將死亦執突而

求賂焉祭仲以突歸而立之是為厲公初北戎伐齊在桓

六年齊乞師于我世子忽帥師救齊大敗戎師獲其二帥

大良少良甲首三百以獻于齊于是諸侯之大夫戍齊

齊饋之餼使魯為其班後鄭忽以其有功也怒故有郎

之師

十年 卽師在

魯之未昏于齊也齊侯欲以文姜妻忽忽

辭人問其故忽曰人各有耦齊大非吾耦也詩云自求

多福在我而已大國何為及其敗戎師也齊侯又請妻

之固辭人問其故忽曰無事于齊吾猶不敢今以君命

奔齊之急而受室以歸是以師昏也民其謂我何遂辭

諸莊公祭仲曰必取之君多內寵子無大援將不立三

公子

謂子突子  
晝子儀

皆君也弗從及厲公立忽奔衛宋以立

厲公故多責賂于鄭鄭不堪命厲公元年桓十魯侯欲

平宋鄭宋辭平冬魯侯會公盟于武父遂及我師伐宋

戰于宋二年

桓十年

公會魯侯紀侯及齊宋衛燕戰齊宋

燕衛敗績既而公使魯請修好三年

桓十年

公會魯侯于

曹夏五月公使弟語如魯盟冬宋人以齊蔡衛陳伐我

焚渠門入及大逵伐東郊取牛首以大宮之椽歸為盧

門之椽

大宮鄭祖廟  
盧門宋城門

四年

桓十年

春三月桓王崩莊王立

祭仲專公使其壻雍糾殺之祭仲殺雍糾公出奔蔡夏

五月世子忽入是為昭公秋厲公因櫟人殺檀伯

鄭守櫟大

夫而遂居櫟冬魯宋衛陳會于袤伐我謀納厲公弗克

而還昭公元年

桓十六年

魯宋衛陳蔡伐我二年

桓十七年

冬十

月高渠彌弑公而立公子亶子亶昭公之弟也秋齊侯

師于首止子亶會之齊人殺子亶環高渠彌祭仲逆子

儀于陳而立之子儀亦昭公之弟也子儀三年

莊三年

魯

侯將會公謀紀

紀有齊難故

公辭以難

厲公在難故

四年

莊四年

公

及齊侯陳侯遇于垂十二年

莊十二年

莊王崩僖王立十四

年厲公自櫟侵鄭獲傅瑕與之盟夏六月傅瑕弑

莊十四年



公及其二子而納厲公初內蛇與外蛇鬪于鄭南門中

內蛇死六年而厲公入厲公入遂殺傅瑕厲公後元年

莊十年公會諸侯齊宋陳衛于鄆齊始霸秋我侵宋二年莊十年

宋齊衛伐我秋荆伐我及櫟冬諸侯齊魯宋陳衛鄭許滑滕同盟

于幽我成故三年莊十年僖王崩惠王立我不朝齊齊人

執我鄭詹詹自齊逃來四年莊十年公使周原莊公逆王

后于陳六年莊十年王子頹作亂公和王室不克執燕仲

父南燕伯頹黨遂以王歸處于櫟秋王及公入于鄆遂入成

周取其寶器而還冬王子頹享五大夫樂及徧舞公聞之見虢叔曰寡人聞之哀樂失時殃咎必至今王子頹歌舞不倦樂禍也夫司寇行戮君為之不舉而况敢樂

禍乎奸王之位禍孰大焉臨禍忘憂憂必及之盍納王

乎虢公曰寡人之願也七年莊二十一年春鄭虢胥命于弭

弭鄭地夏同伐王城公將王自圍門入虢叔自北門入殺

王子頹及五大夫公享王子闕西辟樂備惠王復辟亦備六代之樂

王與之武公之畧自虎牢以東周原莊公曰鄭伯效尤

其亦將有咎五月公薨八月葬厲公公之為公子也北  
戎侵我莊公禦之患戎師曰彼徒我車懼其侵軼我也  
公曰使勇而無剛者嘗寇而速去之君為三覆以待之  
戎輕而不整貪而無親勝不相讓敗不相救先者見獲  
必務進進而遇覆必速奔後者不救則無繼矣乃可以

遲從之大敗戎師

左傳

昭公亡四年復入八年二年高渠彌弑之謚曰昭子亶立  
一年齊殺之子儀立十四年傳瑕弑之無謚

按傳例篡  
立者諸侯

既與之會則不得復討臣子弑之與弑君同子儀之立與篡有別且在位十四年垂之遇經已書鄭伯及其遇弑諸侯不加封國人不議謚非禮也

厲公立四年出亡亡十四年復入又七年薨前後在位十一年謚曰厲

文公

文公名捷厲公之子也厲公薨文公立文公六年

莊二十七年

公會諸侯

齊魯宋陳

同盟于幽七年

莊二十八年

荆伐我諸侯

救我楚師夜遁國人將奔桐邱謀人告曰楚幕有

烏乃止八年

莊二十九年

我侵許十三年

閔二年

公惡高克

大夫

使帥師次于河上久而弗召師潰而歸高克奔陳十四

年

僖元年

楚伐我

荆始改號曰楚

公會諸侯

齊魯宋曹邾

盟于榿謀救

我十五年

僖二年

楚侵我因聃伯十六年

僖三年

楚伐我公

欲成孔叔

大夫

不可十七年

僖四年

公會諸侯

齊魯宋陳衛許曹

侵

蔡蔡潰遂伐楚次于涇楚屈完及諸侯盟于召陵王以

惠后故將廢世子鄭而立王子帶十八年

僖五年

公會諸

侯

齊魯宋陳衛許曹

會王世子于首止秋八月諸侯盟王使周

公召公曰吾撫女以從楚輔之以晉可以少安公喜于

王命而懼其不朝于齊故逃歸不盟孔叔止之弗聽十

九年

僖六年

諸侯

齊宋鄭魯衛曹

伐我圍新城楚圍許以救我諸

侯乃還二十年

僖七年

齊伐我孔叔請下齊公曰姑少待

夏我殺申侯

大夫

以說于齊秋諸侯盟于甯母公使世子

華聽命于會華言于齊侯曰洩氏孔氏子人氏三族實

違君命請去之齊侯辭冬公使請盟于齊閏月惠王崩

襄王惡王子帶之難懼不發喪二十一年

僖八年

諸侯會

王人于洮謀王室公乞盟請服也二十二年僖九年公會

宰周公及諸侯齊魯宋衛許曹于葵邱二十四年僖十一年王子帶

召戎伐京師入王城明年王討王子帶子帶奔齊二十

六年僖十三年公會諸侯齊魯宋陳衛許曹于鹹淮夷病杞且謀王

室也秋為戎難故諸侯戍周明年諸侯城緣陵而遷杞

二十八年僖十五年楚伐徐公會諸侯前諸侯盟于牡邱遂次

于匡諸侯之大夫救徐二十九年僖十六年冬殺世子華十

二月公會諸侯齊魯宋陳衛許邢曹于淮三十一年僖十八年公朝楚

三十二年

僖十年

我及陳蔡楚盟于齊三十三年

僖二十年

滑

叛我而服于衛我入滑三十四年

僖二十一年

公及諸侯

楚

陳蔡許曹

會于孟楚執宋公以伐宋冬諸侯盟于薄釋宋公

三十五年

僖二十二年

諸侯

宋衛許滕

伐我楚伐宋以救我戰于

泓宋師敗績夫人芊氏姜氏勞楚子于柯澤楚子入享

享畢夜出文芊送于軍取我二姬以歸三十六年

僖二十三年

年晉公子重耳過我公不禮焉叔詹

大夫

諫弗聽我之入

滑也滑人聽命

在僖二十年

師還又即衛三十七年

僖二十四年

我



伐滑王使伯服游孫伯

二子周大夫

請滑初子頽之難厲公

及虢公納惠王王巡虢守虢公為王宮于珽王與之酒

泉厲公之享王也王以后之鞏鑑予之虢公請器王子

之爵公怨惠王不與厲公爵又怨襄王之與衛滑也故

不聽王命而執二子王怒以狄伐我取櫟既而王子帶

以狄師攻王王出適鄭處于汜秋八月宋公如楚還入

于鄭公享宋公有加禮冬公與孔將鉏石甲父侯宣多

並鄭大夫省視官具于汜而後聽其私政

謂省官司具器用  
得事天王之禮

明年晉納王殺王子帶四十年僖二十七年冬楚子會公及

諸侯陳蔡許圍宋四十一年僖二十八年晉侯侵曹伐衛以救

宋夏四月晉侯齊師宋師秦師及楚人戰于城濮楚師

敗績鄉役之三月城濮役之前三月公如楚致其師楚既敗而

懼使子人九行成于晉晉欒枝入盟公五月晉侯及公

盟于衡雍晉獻楚俘于王駟介百乘徒兵千公傅王用

平禮用平王享晉文侯之禮冬公會諸侯晉魯齊宋蔡陳莒邾秦于温天王

狩于河陽四十二年僖二十九年周王子虎會諸侯之大夫

晉魯宋  
陳秦蔡

盟于翟泉謀伐我四十三年

僖三  
十年

晉侵我秋晉

人秦人圍我以我無禮于晉且貳于楚也晉軍函陵秦

軍汜南公使燭之武

大

說秦伯秦伯說與我盟使戍之

乃還晉亦去之四十四年

僖三十  
一年

公子瑕出奔楚四十

五年

僖三十  
二年

夏四月公薨

左

在位四十五年謚曰文

穆公

穆公名蘭文公之子也母燕姑文公之賤妾文公之殺

世子華也

在僖十年

逐羣公子公子蘭奔晉文公四十三

年

僖三十年

蘭從晉侯伐鄭請魚與圍鄭許之使待命于東

石癸侯宣多逆以為大子以求成于晉晉許之四十五

年

僖三十二年

文公薨蘭即位是為穆公穆公元年

僖三十三年

秦師襲我滅滑而還晉敗秦師于殽冬我及晉陳伐許

討其貳于楚也楚侵陳蔡遂伐我納公子瑕

僖三十一年瑕奔楚

我殺瑕三年

文二年

公會諸侯及諸侯之大夫

宋陳魯盟于

垂隴冬公子歸生及諸侯之大夫

晉宋陳

伐秦取汪及彭

衛而還四年

文三年

我會諸侯之師伐沈沈潰八年

文九年

公會諸侯

魯齊宋衛陳許曹

晉大夫盟于扈九年

文八年

秋八月

襄王崩頃王立十年

文九年

楚伐我我及楚平諸侯之大

夫

晉魯宋衛許

救我不及楚師十一年

文十年

公及陳侯會楚

子于息遂及蔡侯次于厥貉將以伐宋宋逆楚子遂道

以田孟諸宋公為右孟公為左孟

孟田獵陳名

十四年

文十三年

魯侯朝晉還公會魯侯于棗請平于晉魯侯成之十五

年

文十四年

春頃王崩匡王立夏公會諸侯

魯宋陳衛許曹

晉大夫

同盟于新城

陳鄭宋服故且謀納邾捷菑

十六年

文十五年

公會諸侯盟

于扈謀伐齊齊賂晉侯不克而還十八年

文十七年

宋弑昭

公石楚及諸侯之大夫

晉衛陳

伐宋曰何故弑君宋賂晉

猶立文公而還夏晉會諸侯于扈晉侯不見公以為貳

于楚也公子歸生以書告晉趙盾晉使鞏朔行成于我

以趙穿公壻池為質我以大子夷石楚為質公以晉受

齊宋之賂也曰晉不足與也遂受盟于楚陳以楚之不

禮共公也受盟于晉二十年

宣元年

楚及我侵陳遂侵宋

晉救陳宋會于棊林以伐我楚救我遇于北林晉人還

冬晉宋伐我二十一年

宣二年

公子歸生受命于楚伐宋

戰于大棘宋師敗績獲華元樂呂夏晉宋衛陳侵我楚

救我晉師去之冬十月匡王崩定王立二十二年

宣三年

晉伐我及邲我及晉平夏楚侵我冬公薨初燕姑夢天

與已蘭以為子文公與之蘭而御之生公故名公曰蘭

及公有疾曰蘭死吾其死乎刈蘭而卒

墨子鄭穆公當晝日中處乎廟有神入門而左鳥身

素服三絕而狀正方公懼神曰帝享女明德使子錫  
女壽十年有九使若國家蕃昌子孫茂母失鄭公再  
拜稽首曰敢問神曰子為句芒

十月葬穆公

左傳

在位二十二年謚曰穆

靈公 襄公

靈公名夷穆公太子也穆公薨靈公即位靈公元年

宣四

年夏六月公子歸生弑公立庶子去疾去疾辭乃立其



兄堅是為襄公是年冬楚伐我鄭未襄公元年宣五楚

伐我陳及楚平晉救我伐陳二年宣六楚伐我取成于

厲既成公逃歸三年宣七及晉平公會諸侯晉宋盟于

黑壤周王叔桓公臨之以謀不睦五年宣九公及諸侯

晉宋會于扈陳不會晉以諸侯之師伐陳冬楚為厲之

役故伐我晉救我敗楚師于柳棼六年宣十我及楚平

夏諸侯晉宋之師伐我取成而還冬楚伐我晉救我逐

楚師于潁北諸侯之師伐我七年宣十一楚伐我公及楚

子陳侯盟于辰陵既盟又徵事于晉八年

宣十二年

楚圍我

旬有七日我卜行成不吉卜臨于大宮且巷出車吉國人  
大臨守陴者皆哭楚子退師國人修城進復圍我三  
月克我入自皇門至於遠路公肉袒牽羊以逆曰孤不  
天不能事君使君懷怒以及敝邑孤之罪也敢不唯命  
是聽其俘諸江南以實海濱亦唯命其翦以賜諸侯使  
臣妾之亦唯命若惠顧前好徵福于厲宣桓武不泯其  
社稷使改事君夷于九縣君之惠也孤之願也非所敢

望也敢布腹心君實圖之左右曰不可許也得國無赦

楚子曰其君能下人必能信用其民矣庸可幾乎退三

十里而許之平潘<sub>楚大</sub>入盟公子去疾<sub>鄭伯</sub>出質夏

晉救我及楚師戰于邲晉師敗績公及許男如楚十年

宣十四年晉伐我為邲故告于諸侯蒐焉而還我懼使公孫

張<sub>即子張穆公孫</sub>代去疾于楚公如楚謀晉十六年<sub>成二年</sub>冬楚

及我師侵衛十一月公子去疾及楚公子嬰齊魯侯蔡

侯許男及諸侯之大夫<sub>秦宋陳衛齊曹邾薛鄭</sub>盟于蜀十七年<sub>成三年</sub>

年 晉會諸侯魯宋衛曹伐我我敗晉師于邱輿皇成如楚獻

捷夏公子去疾伐許冬復伐許十八年成四春三月公

薨夏四月葬襄公左傳在位十八年謚曰襄靈公初謚幽

襄公六年宣十年改葬之謚曰靈

### 悼公

悼公名費襄公子或弟未詳襄公十八年成四年薨悼公即位是

年冬公孫申疆許田許敗諸展跛公伐許取鉏任冷敦  
之田悼公元年成五年許愬我于楚公如楚訟不勝楚執

皇成公子發

穆公

公歸使請成于晉秋公及晉趙同盟

于垂棘冬十一月定王崩簡王立十二月公會諸侯

晉

齊宋衛  
曹邾杞

同盟于蟲牢

鄭服

二年

成六

公如晉拜成夏六

月公薨

左傳

在位二年謚曰悼

成公

成公名踰悼公之弟也悼公二年

成六

薨成公即位是

年秋楚伐我

我從  
晉故

晉救我楚師還成公元年

成七

公如

晉見且拜師秋楚伐我諸侯

晉魯齊宋衛  
曹莒邾杞

救我我軍楚

師

軍攻也

囚鄭公鍾儀獻諸晉秋八月同盟于馬陵二年

成八年

晉侵蔡及楚公會晉師門于許東門大獲焉三年

成九年

公會諸侯

晉魯齊宋  
衛曹莒杞

同盟于蒲楚以重賂求我公

會楚公子成于鄧秋公如晉晉討其貳于楚也執諸銅

鞮而伐我我使伯蠲行成晉人殺之楚侵陳以救我公

孫申謀之曰我出師以圍許為將改立君者而紓晉使

晉必歸君冬我圍許示晉不急君也四年

成十年

春衛侵

我三月公子班聞公孫申之謀立公子緇國人殺緇立

大子髡頑公子班出奔許晉欒書曰鄭人立君我執一

人焉何益不如伐鄭而歸其君以求成夏五月晉會諸

侯

魯齊宋  
衛曹

伐我我使公子然盟于脩澤公歸自晉公討

立君者殺公孫申及其弟叔禽六年

成十  
二年

晉楚成盟于

宋公如晉聽成七年

成十  
三年

公會諸侯

晉魯齊宋  
衛曹邾滕

伐秦戰

于麻隧秦師敗績夏六月公子班自訾入殺公子印公

子羽

皆穆  
公子

及軍于市公子駢

即子駟  
穆公子

亦盡焚之殺班及

其弟駝八年

成十四年

我伐許敗焉公復伐許入其郛許人

平以公孫申之封

按魯成四年公孫申疆許田許敗之不能定其封今許以是所封田求和

九年

成十五年

公會諸侯

晉魯衛曹宋齊邾

同盟于戚晉侯執曹伯

曹成公殺宣公太子而自立

歸之于京師夏楚侵我及暴隧我侵楚

取新石冬公子緡及諸侯之大夫

晉魯齊宋衛邾

會吳于鍾離

十年

成十六年

楚以汝陰之田求成于我我叛晉公子駢及



楚子盟于武城夏我侵宋宋敗我于洧陂我覆之敗諸

洧陵衛伐我至于鳴鴈晉伐我我使告于楚楚子救我

六月晉楚戰于鄢陵楚師敗績秋晉會周尹子及諸侯

魯齊衛伐我次于鄭西遷于制田晉以諸侯之師侵陳

遂侵蔡未反諸侯遷于潁上公子喜宵軍之宋齊衛皆

失軍十一年成十七年我侵晉虛滑衛救晉侵我夏五月大

子髡頑侯孺為質于楚楚戍我晉會周尹子單子及諸

侯宋衛曹伐我自戲童至于曲洧楚救我諸侯還冬諸

齊邾

侯復伐我十一月圍我楚救之師于汝上諸侯還十二

年

成十年

我侵宋遂會楚子伐宋取朝邾侵城郟取幽邱

同伐彭城納宋魚石向為人鱗朱向帶魚府以三百乘

戍之而還十三年

襄元年

晉伐我入郟敗我徒兵于洧上

楚救我侵宋我侵宋取犬邱秋九月簡王崩靈王立十

四年

襄二年

我侵宋公疾公子駢請息肩于晉公曰楚君

以鄭故親集矢于其目非異人任寡人也若背之是棄

力與言其誰暱我免寡人唯二三子秋七月公薨

經書六月

誤  
左傳

在位十四年謚曰成

僖公

僖公名髡頑成公之太子也成公十四年

襄二

薨僖公

即位于是公子喜當國

攝君事

公子駢為政

為正

公子發

為司馬晉師侵我諸大夫欲從晉公子駢曰官命未改

秋七月諸侯之大夫

晉魯宋  
衛曹邾

會于戚謀城虎牢以偪我

冬復會于戚遂城虎牢我成僖公元年

襄三

公朝晉夏

六月公會周單子及諸侯

晉魯宋衛  
莒邾齊

同盟于雞澤三年

襄五

公使公子發聘于魯秋公會諸侯

晉魯宋陳衛曹  
莒邾滕薛齊吳

鄆

于戚會吳且戍陳冬楚伐陳公會諸侯

晉魯宋  
衛曹齊

會于

城棣以救陳五年

襄七

楚伐陳諸侯會于鄆以救之公

如會及鄆公子駢使賊夜弑公而以瘧疾赴于諸侯明

年夏葬僖公

左傳

在位五年謚曰僖

簡公

簡公名喜僖公大子也公子駢弒僖公大子生五歲奉

而立之簡公元年襄八年羣公子以僖公之死也謀公子

駢駢先之辟殺羣公子夏四月我侵蔡獲蔡公子燹五

月晉侯會諸侯之大夫魯齊宋衛邾于邢公獻捷于會冬楚

伐我公子駢公子發公孫輒欲從楚公子嘉公孫躄公

孫舍之欲待晉駢曰姑從楚晉師至吾又從之乃及楚

平使王子伯駢大夫告于晉曰君命敝邑脩而車服敝而

師徒以討亂畧蔡人不從敝邑之人不敢寧處恚索敝

賦以討于蔡獲司馬燮獻于邢邱今楚來討曰女何故  
稱兵于蔡焚我郊保馮陵我城郭敝邑之衆夫婦男女  
不遑啟處以相救也翦焉傾覆無所控告民死亡者非  
其父兄即其子弟夫人愁痛不知所庇民知窮困而受  
命于楚孤也與其二三臣不能禁止不敢不告晉使行  
人對之曰君有楚命亦不使一介行李告于寡君而即  
安于楚君之所欲也誰敢違君寡君將帥諸侯以見于

城下唯君圖之二年

襄九年

晉會諸侯

魯宋衛曹莒邾  
滕薛杞小邾齊

伐

我我恐乃行成冬十一月同盟于戲將盟六卿及其大夫門子皆從公晉士弱為載書曰自今日既盟之後鄭國而不唯晉命是聽而或有異志者有如此盟公子駢趨進曰自今日既盟之後鄭國而不唯有禮與疆可以庇民者是從而敢有異志者亦如之荀偃曰改載書公孫舍之曰昭大神要言焉若可改也大國亦可叛也乃盟而還晉人不得志于我十二月以諸侯復伐我次于陰口而還楚伐我公子駢將及楚平公子嘉公孫蔓曰

與大國盟口血未乾而背之可乎駢曰吾盟固云唯疆

是從今楚師至晉不我救則楚疆矣且要盟無質背之

可也乃及楚平同盟于中分三年襄十年我及楚伐宋衛

救宋師于襄牛我使皇耳侵衛衛獲皇耳于犬邱秋我

及楚侵魯西鄙還圍蕭克之九月侵宋北鄙晉會諸侯

魯宋衛曹莒邾齊滕薛杞小邾伐我師于牛首冬盜殺公子駢公子發

公孫輒尉止司臣侯晉堵女父子師僕五人皆士也故書盜諸侯之師城虎牢而

戍之晉師城梧及制鄭舊地戍之我及晉平楚救我晉與



楚夾潁而軍公孫躄曰諸侯既有成行必不戰矣從之亦退不從亦退退楚必圍我不如從楚亦以退之宵涉

潁與楚人盟晉師還侵我北鄙而歸楚人亦還四年

襄十

一我患晉楚之故公孫舍之曰與宋為惡諸侯必至吾

從之盟楚師至吾又從之則晉怒甚矣晉能驟來楚將

不能吾乃固與晉于是使疆場之司惡于宋宋侵我大

獲夏舍之侵宋四月晉會諸侯

前諸侯

伐我六月圍我我

懼乃行成秋七月同盟于亳楚伐我公逆之伐宋九月

諸侯悉師復伐我我使良霄大宰石臬如楚告將服于  
晉曰孤以社稷之故不能懷君君若能以玉帛綏晉不  
然則武震以攝威之孤之願也楚人執之諸侯之師觀  
兵于我東門我使王子伯駢行成晉趙武入盟公冬十

月公孫舍之出盟晉侯十二月會于蕭魚六年

襄十年楚

歸良霄石臬七年

襄十四年

公孫蕞及諸侯之大夫

晉魯齊宋衛曹

莒邾滕薛杞小邾

會吳于向夏四月公孫蕞會諸侯之大夫

前諸

侯伐秦冬公孫蕞會諸侯之大夫

晉魯宋衛莒邾

于戚

衛孫林父遂獻

公立殤公故會戚以定之八年襄十五年晉悼公卒公孫夏如晉奔喪公

孫蕞送葬九年襄十六年公會諸侯晉魯宋衛曹莒邾薛杞小邾于溴梁

大夫盟夏公會諸侯之大夫晉魯衛宋伐許許請遷也十一年襄十

八年公會諸侯前諸侯同圍齊公子嘉欲去諸大夫將叛晉

而起楚師以去之夏楚伐我十二年襄九年諸侯盟于祝

柯圍齊之諸侯秋殺公子嘉然丹子良出奔楚公孫舍之當

國公孫夏聽政立公孫僑為卿十三年襄十年公會諸侯

前諸侯同盟于澶淵十四年襄二十一年公會諸侯晉魯齊宋衛曹莒邾

于商任

晉樂盈叛會以錮之

十五年

襄二十二年

公及諸侯

晉魯齊宋衛曹莒邾

薛杞小邾

會于沙隨

復錮樂氏也

十七年

襄二十四年

公如晉朝且請

伐陳秋公會諸侯

晉魯宋衛曹莒邾滕薛杞小邾

于夷儀將以伐齊水

不克冬楚伐我以救齊諸侯還救我十八年

襄二十五年

會諸侯

前諸侯

于夷儀伐齊夏公孫舍之伐陳入之秋諸

侯

前諸侯

同盟于重邱齊成也公孫僑獻陳捷于晉受之

冬公如晉拜陳之功公孫夏復伐陳陳及我平十九年

襄二十六年

楚秦侵我敗我師囚皇頡印堇父而獻于秦秦

歸我印董父夏良霄會魯侯及諸侯之大夫

晉宋

于澶

淵討衛疆戚田取懿氏六十以與孫林父而執衛侯

獻公

秋公及齊侯如晉請衛侯許之既歸使公孫夏如晉聘

冬楚伐我二十年

襄二十七年

宋向戌欲弭諸侯之兵夏良

霄會諸侯之大夫

晉楚魯宋齊秦陳  
衛邾滕蔡許曹

于宋秋七月盟于

宋既盟公享晉趙武于垂隴二十一年

襄二十八年

蔡侯朝

晉歸過我公享之公使游吉如楚及漢楚人還之

嫌鄭伯不

親朝秋公如楚冬十一月靈王崩景王立十二月楚子卒

二十二年

襄二十九年

葬楚子公送葬于西門之外五月葬

靈王公孫舍之使印段如周我饑公孫舍之卒罕虎為

政六月公孫段會諸侯之大夫

晉魯齊宋衛曹  
莒滕薛小邾

城杞吳

公子札來聘冬良霄強使公孫黑如楚黑怒將攻霄大

夫和之十二月大夫盟二十三年

襄三十年

公如晉夏公及

其大夫盟六月公孫僑如陳涖盟秋良霄又將使黑如

楚黑以駟氏之甲伐而焚之霄奔許公及其大夫盟于

大宮盟國人于師之梁

城門名

之外良霄入伐舊北門駟

帶率國人伐之霄死冬罕虎及諸侯之大夫

晉魯齊宋  
衛曹莒邾

滕薛杞  
小邾

會于澶淵宋災故二十四年

襄三十  
一年

公如晉罕

虎使印段如楚以適晉告二十五年

昭元  
年

楚公子圍來

聘且娶于公孫段氏罕虎會諸侯之大夫

晉楚魯齊宋  
衛陳蔡許曹

于號晉趙武魯叔孫豹曹大夫過我公享之夏游楚

公穆

孫及公孫黑爭妻放楚于吳六月公及大夫盟于公孫

段氏秋公孫僑如晉聘且問晉侯疾二十六年

昭二  
年

殺

公孫黑

黑將作亂殺  
游氏而代之

晉少姜卒冬印段如晉弔二十七

年昭三公如晉晉再納齊女秋罕虎如晉賀夫人

冬公如楚楚子及公田江南之夢二十八年昭四

許男如楚楚止之遂止公復田江南夏公及諸侯楚蔡陳許

徐滕頓胡沈小邾宋會于申秋公先歸使大夫從楚子伐吳克朱

方遂伐賴滅之九月公孫僑作邱賦二十六井當出馬一匹牛三頭今子

產欲別其田及家財各為一賦二十九年昭五晉韓起如楚罕虎游吉

勞諸索氏三十年昭六鑄刑書鑄刑書于鼎以夏楚公為國之常法

子棄疾如晉過我公勞諸相三十一年昭七魯侯如楚



公勞于師之梁夏公孫僑如晉聘三十二年

昭八年晉成

虎祁公如晉賀三十三年

昭九年

游吉及諸侯之大夫

魯會楚子于陳三十四年

昭十年

晉平公卒公如晉及

衛

河晉人辭游吉遂如晉秋罕虎如晉會葬晉平公三十

五年

昭十一年

楚圍蔡罕虎會諸侯之大夫

晉魯齊宋衛曹邾

于厥

慙謀救蔡三十六年

昭十二年

春三月公薨夏六月葬簡公

左傳

在位三十六年謚曰簡

定公

定公名寧簡公之子也簡公三十六年

昭十年

薨公即位

夏公如晉晉侯享公公辭于享請免喪而後聽命

簡公未葬

故

定公元年

昭十年三年

公會周劉子諸侯

晉魯齊衛宋曹莒邾滕薛杞小邾

于平邱罕虎卒四年

昭十年六年

晉韓起來聘八年

昭二十年公孫

僑卒十年

昭二十年二年

景王崩悼王立冬悼王崩敬王立王

子朝作亂王居于狄泉十二年

昭二十年四年

公如晉十三年

昭二十年五年

游吉會諸侯之大夫

晉魯宋衛曹邾滕薛小邾

于黃父晉令

輸王粟具戍人曰明年將納王十四年

昭二十六年

王入于

成周王子朝出奔楚十六年

昭二十八年

夏四月公薨六月

葬定公

左傳

在位十六年謚曰定

獻公

獻公名薑定公之子也

史記

定公薨公即位元年魯昭之二十九年也二年

昭三十年晉

頃公卒游吉如晉弔且送葬四年

昭三十二年

國參會諸侯

之大夫

晉魯齊宋衛曹莒薛杞小邾

于狄泉城成周八年

定四

公會

周劉子諸侯

晉魯宋蔡衛陳許曹莒邾頓胡滕薛杞小邾齊

于召陵侵楚十年

定六

游速滅許以許男歸周僂翩

王子朝餘黨

因我以作亂

于周我伐馮滑胥靡負黍狐人闕外

周六

二月魯侵我

為晉討我伐胥靡也

冬王處于姑蘓十一年

定七年

公及齊侯盟于

鹹冬王入于王城十二年

定八年

晉會周成桓公侵我圍

蟲牢報伊闕也冬公及衛侯盟于曲濮游吉卒十三年

定九年

夏四月公薨六月葬獻公

左傳

在位十三年謚曰獻

聲公

聲公名勝獻公之子也獻公薨公即位元年

定十年

游速

會齊侯衛侯于安甫二年

定十一年

及魯平魯叔還來涖盟

六年

定十五年

罕達伐宋敗宋師于老邱晉荀寅士吉射叛

八年

哀二年

齊人輸吉射粟罕達送之晉趙鞅禦之戰于

鐵我師敗績十三年

哀七年

宋侵我

我叛晉故

秋宋圍曹冬我

救曹侵宋十五年

哀九年

我圍宋雍邱宋皇瑗圍我師罕

達救之敗績宋取我師于雍邱夏宋伐我十六年哀十年

宋伐我初宋平元之族自蕭來奔平族公子地昭二十

定十四年奔鄭我為之城岳戈錫三邑鄭宋之間隙地十八年哀十年宋向巢

伐我取錫遂圍岳罕達救岳圍宋師十九年哀十年取宋

師于岳二十一年哀十五年公伐宋冬晉伐我二十二年哀十年

六年孔子卒二十四年哀十八年敬王崩元王立二十六年哀二年

十年諸侯會于廩邱為我故謀伐晉我辭諸侯三十三年

哀二十七年晉荀瑶伐我我請救于齊齊救我晉師還三十

七年

悼四年

荀瑶圍我

左傳

是年公薨

年表作三十八年 史記

在位三十七年謚曰聲

哀公 共公 幽公 緡公 鄭君

哀公名易聲公之子也哀公八年國人弑公立聲公弟  
丑是為共公共公三十年薨子幽公已即位幽公元年  
韓武子伐我殺幽公國人立幽公弟駘是為緡公緡公  
十五年韓景侯伐我取雍邱我城京十六年我伐韓敗

韓兵于負黍二十三年我圍韓陽翟二十五年公殺相  
子陽二十七年子陽之黨弑公而立幽公弟乙為君是  
為鄭君鄭君乙二年負黍反復歸韓十一年韓伐我取  
陽城二十一年韓哀侯滅我并其國

史記

賁曰鄭周出也莊公裁為桓公孫于周為近乃取麥取  
禾馴至射肩春秋無王顧自鄭始鄭之罪可勝誅哉鄭  
索虢鄆寄地也而介乎大國初釁楚于鄧卒息肩于晉  
勢在必爭也是故當春秋之際鄭所以啟諸侯之兵者



齊桓之盟名陵圍新城晉文之五盟悼公之三駕是也  
宋所以合諸侯之成者華元之盟西門向戌之盟蒙門  
是也



尚史卷十五